



INSPETORIA "S. M. MAZZARELLO" TIN

PROGRAMASAUN INSPETORIÁL 2016



"MIZERIKÓRDIA"

Inspetoria "S. Maria D. Mazzarello
TIN

MISIONÁRIA ESPERANSA NO KSOLOK NIAN

Liña asaun

Nu'udar comunidade edukativa no relijioza konkretiza konversaun ekolójika iha proposta edukativa-pastoral atu tau matan ba ema, ambiente no ba bem komún.

Modalidade

- ◆ Halo leitura no hakle'an dokumentu "Laudato Si" ho grupu oin-oin
- ◆ Sensibiliza, socializa no motiva kona-ba respeito an rasik, hadomi ambiente no bem komún ba irmán sira, família, foin-sa'e no labarik iha área edukasaun formál no informál liuhusi formasaun sívika iha ambiente ne'ebé ita hela bá (halo poster, kuda aihun, Limpeza, workshop, kamping) *PJ, CS, FS, F, A*
- ◆ Kuiz Laudato Si - setembru *PJ*
- ◆ Hanorin labarik no foin-sa'e sira atu halo resiklajen (lixu orgániku metál no papél sira) *PJ, F*

Husi Ambitu sira

- ◆ Sensibiliza "Manual protesaun dos menores" *PJ*
- ◆ Transmisaun Kongresu AA (fulan Dezembru 2015) *FS*
- ◆ Estuda Karta Identidade FS (Nasional) *FS*
- ◆ Lee Estatutu Antiga Alunas (komunidade) *FS*
- ◆ Elabora no finaliza itineráriu eskola Katolika Salesiana *PJ*
- ◆ Boa noite fulan-fulan kona ba figura FMA ida ho fuan misionáriu *F, FS*
- ◆ Formande sira estuda figura misionária sira *AG*
- ◆ Selebrasaun ba loron misionáriu martiriu sira nian (24 Marzu) *AG*

Liña asaun

Haree hamutuk ho família sira rasik sira-nia realidade ohin nian no *pastorál familiar* ida ne'ebé iha sintonia ho orienta-saun Kreda nian no akompaña família sira iha sira nia knaar edukativu.

Modalidade

- ♦ Vizita família sira, atu rona sira-nia problema no tulun sira iha kna'ar edukasaun no halo obra mizerikórdia nian.
- ♦ Hakle'an tópiku kongresu família nian iha Viqueque no disponivel atu serbisu hamutuk ho Parókia bainhira dokumentu Sínodu iha ona. (CS)
- ♦ Serbisu hamutuk Família Saleziana, ho institusaun no organiza-saun seluk atu bá hasoru labarik no foin-sa'e sira ne'ebé moris iha perigu laran no identifika família sira nia preokupasaun. (Inspetoriál=FS, PJ,CS, AG + Lokal)

Husi Ambitu sira

- ♦ Apresenta no halo reflesaun hamutuk kona ba ESTREIA 2016 (hala'o durante Tridun DB) FS
- ♦ Hamoris grupu interese sira ho kreativitu liu tan iha Oratóriu PJ
- ♦ Halo projeto Oratóriu hamutuk ho animadór sira PJ
- ♦ Hamoris fali grupu asosiasaun sira PJ
- ♦ Halo livriñu jogus PJ
- ♦ Formasaun ba estrutura MJS no ninia funsaun PJ; Koordena no planu hamutuk ho SDB, FMA no estrutura MJS - PJ no FS no estrutura MJS
- ♦ Selebrasaun loron mundiál Infansia Misionária (6 janeiru) AG, PJ
- ♦ Esperiansia rekonsilia-saun ho foin-sa'e sira tuir Komunidade ida-idak nia possibilidade F, PJ
- ♦ Avalia etapa ida-idak (FMA no formande) F

Irmán, foin-sa'e no leigu doben sira, hamutuk ho Programasaun Inspetoriál ba tinan 5, iha ne'e bele hetan mós ita-nia Programa ba tinan 2016. Tinan ida ne'e marka ho eventu ruma ne'ebé husu ita-nia atensaun no ita-nia empeñu tomak.

Selebrasaun Bisentenáriu Don Bosco nian hotu ona, maibé selebrasaun, atividade, proposta sira ne'ebé ita halo la liu de'it: tinan ida ne'e mak tinan atu hatudu katak Don Bosco nia mensajen no ninia moris book duni ita-nia fuan no troka buat ruma iha ita-nia moris. Tan ne'e ita presiza hatudu ita-nia karizma nia furak, hanesan ita deskobre iha selebrasaun hirak ne'e.

Iha fulan Fevereiru ita sei taka Tinan ba Vida Konsagrada: saida mak hela husi reflesaun barak ne'ebé ita rona no lee? FMA sira nia moris interpela duni ita-nia maluk sira: profesia no radikalidade ne'ebé Amu-Papa husu ba relijiozu sira, sai ita-nia empeñu loron-loron nian?

Iha fulan dezembru ita hahú Jubileu Mizerikórdia (laran-sadia) nian: Amu-Papa, iha ninia Bula, dehan katak tenke "falun" ho ternura Kreda nia asaun pastorál tomak; la bele iha haklaken ida ka sasin ida hasoru mundu ne'ebé la iha mizerikórdia (laran sadia); Kreda nia kredibilidade liuhusi dalan domin mizerikordiozu no kompaixaun nian. Liafuan hirak ne'e interpela ita-nia comunidade sira, no ema ida-idak atu hala'o proposta hotu ho laran sadia no domin ba sira ne'ebé iha difikuldade laran.

Foin daudaun, iha omilia ida, Amu-Papa Francisco dehan: "Ita-nia ksolok mak fahe ita-nia fiar no hatán hamutuk ba Na'i Jezús: "Mai ami, "Ita mak Kristu, Maromak moris nia Oan"... ita-nia ksolok mak rekoñese Maromak nia prezensa iha Jezús, ne'ebé Aman haruka atu sai instrumentu salvasaun nian".

Ho liafuan hirak ne'e ita hahú, hamutuk, tinan pastorál ida ne'e: ita la'o ho konfiansa no ksolok, hodi hatene katak Maromak akompaña ita-nia pasu hotu, liuliu nia sei haraik Ninia grasa se ita sei buka Ninia Reinu de'it.

Born kamiñu

HILIN SIRA KONVERSAUN PASTORÁL NO DALAN SIRA

NAKFIKAK AN LIUHUSI ENKONTRU

*Hamutuk ho Maria, feto fiar nian,
ne'ebé hatene rekoñese Maromak nia Espiritu nia sinál sira
iha akontesimentu sira, boot eh ki'ik.
(kf EG 288)*

HAMUTUK, HO FOIN-SA'E SIRA

*Hamutuk ho Maria, feto ne'ebé reza no serbisu iha Nazaré,
Nossa Senhora be sai "lalais",
amiga be hanoin nafatin atu tua la falta iha ita-nia moris.
(kf EG 286.288)*

MISIONÁRIA SIRA ESPERANSA NO KSOLOK NIAN

*Hamutuk ho Maria, misionária,
ne'ebé ajuda ita haklaken ba ema hotu lia-hato' o salvasaun nian
no mós atu dixipulu foun sira sai fali evanjelizadór badinas sira .
(kf EG 287)*

NAKFIKAK AN LIU HUSI ENKONTRU

Liña asaun

Hakle'an no fahe *Maromak Nia liafuan* iha comunidade edukativa, família no grupu eklesiál sira, atu tulun lee realidade ho matan Maromak nian no deskobre buat ne'ebé Nia hakarak.

Modalidade

- ♦ Hili pasajen Bíblika ne'ebé Amu-Papa Francisco indika iha **Bula "Misericordiae Vultus"** nu'udar materiál ba retiru mensál FMA no formande sira-nian; nu'udar materiál Lectio Divina nian ba família, ba grupu kategoriál oioin no ho ita-nia destinatáriu sira; nu'udar materiál ba katekeze (labarik, foin-sa'e no família). *F, PJ, FS, AG*
- ♦ Formasaun Bíblika: hatoman an atu lee no komprende Sagrada Eskritura hamutuk iha família laran, comunidade edukativa, Família Saleziana no foin-sa'e sira. *Ekipa*
- ♦ Organiza hamutuk ho estrutura parókia no membru Família Saleziana atu realiza retiru regulár ba foin-sa'e sira iha tempu forte no Festa Saleziana sira ho *tema: Mizerikórdia ho estilu salezianu. FS, PJ, F, AG*
- ♦ Uza espasu formasaun nian revista Tatoli no website "Mizerikórdia" CS
 - ♦ Tema formasaun ba animadór sira zonál nian. *"Espiritu Salesiana"(zonál 3x setahun) PJ*
 - ♦ Uza fila fali materiál sira tinan kotuk (kampo DB 2015) *PJ*
 - ♦ Formasaun interpesoál – workshop (formande no juniores) *CS*
 - ♦ Formasaun ba asesora Infansia Misionária sira *AG*
 - ♦ Prepara reflesaun ba festa santu/a saleziana nian *FS*
 - ♦ Novena no Tridum sira *FS*
 - ♦ Intensaun Amu Papa ba Misaun fulan-fulan *AG*
 - ♦ Intensaun Orasaun – CIAO

Husi Ambitu sira